



REPUBLIKA E SHQIPERISE
KOMISIONI QENDROR I ZGJEDHJEVE
KOMISIONI RREGULLATOR

V E N D I M

PËR

LLOJIN DHE KARAKTERISTIKAT TEKNIKE QË DUHET TË PLOTËSOJNË SISTEMET DHE
PAJISJET E IDENTIFIKIMIT ELEKTRONIK TË ZGJEDHËSVE QË PROKUROHEN DHE
PËRDOREN NË ZGJEDHJE NË REPUBLIKËN E SHQIPËRISË

Komisioni Rregullator në mbledhjen e datës 31.10.2020, me pjesëmarrjen e:

| | |
|-----------------|---------|
| Ilirjana Nano - | Kryetar |
| Arens Çela - | Anëtar |
| Dritan Çaka - | Anëtar |
| Helga Vukaj - | Anëtar |
| Muharrem Çakaj- | Anëtar |

Shqyrtoi çështjen me

OBJEKT:

Për llojin dhe karakteristikat teknike që duhet të plotësojnë sistemet dhe pajisjet e identifikimit elektronik të zgjedhësve që prokurohen dhe përdoren në zgjedhje në Republikën e Shqipërisë.

BAZË LIGJORE:

Neni 20, pika 1, germa "e", neni 22, pika 1 dhe 3, e Ligjit nr.10019, datë 29.12.2008 "Kodi Zgjedhor i Republikës së Shqipërisë" i ndryshuar.

Komisioni Rregullator, në zbatim të nenit 20, pika 1, germa "e", dhe neni 22, pika 1 dhe 3 e Ligjit nr.10.019, datë 29.12.2008 "Kodi Zgjedhor i Republikës së Shqipërisë" i ndryshuar, pasi shqyrtoi raportin e paraqitur nga Grupi i Punës së KQZ të ngritur me Urdhrin nr.82, datë 12/10/2020, dokumentacionin e

Nr. 02 i Vendimit Data 31.10.2020 e Vendimit Ora 11 : 00 e Vendimit

Për llojin dhe karakteristikat teknike që duhet të plotësojnë sistemet dhe pajisjet e identifikimit elektronik të zgjedhësve që prokurohen dhe përdoren në zgjedhje në Republikën e Shqipërisë



paraqitur nga administrata e KQZ-së si dhe për të garantuar identifikimin e sigurt të zgjedhësve dhe garantimin e një procesi votimi të standardeve më të larta, me propozim të Komisionerit dhe Nënkomisionerit Shtetëror të Zgjedhjeve,

VËREN

Neni 12, pika 4 e Kodit Zgjedhor përcakton se Komisioni Rregulator (Rregulatori) është organi kompetent për miratimin e akteve me karakter normativ në fushën e zgjedhjeve dhe vendosjen e rregullave për zgjedhjet.

Neni 20, pika 1, germa "e", e ligjit Nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar parashikon se Komisioni Rregulator ka si kompetencë miratimin e projektaktit me karakter normativ, të përgatitura nga administrata e KQZ-së ose nga anëtarët e tij mbi llojin dhe karakteristikat teknike që duhet të plotësojnë sistemet apo pajisjet e teknologjisë së informacionit, që prokurohen dhe përdoren në zgjedhje në Republikën e Shqipërisë.

Neni i 22 dhe 23 i Kodit Zgjedhor, parashikojnë kompetencat e KQZ-së lidhur me teknologjinë në zgjedhje, procedurat dhe vendimmarrja.

Në nenin 179, pika 1 të Kodit Zgjedhor, parashikohet se sistemet apo pajisjet e teknologjisë së informacionit, që do të përdoren në zgjedhje do të implementohen me projekte pilot, të cilat duhet të përfshijnë jo më shumë se 20 për qind të zgjedhësve, duke filluar nga zgjedhjet e para pas hyrjes në fuqi të këtij ligji. Pavarësisht nga ky rregull, në zgjedhjet e para për Kuvendin, pas hyrjes në fuqi të këtij ligji, identifikimi elektronik do të shtrihet në 100 për qind të votuesve.

Për përbushjen e detyrimeve ligjore që rrjedhin nga dispozitat sipërcituar, administrata e KQZ ka përgatitur projekt aktin mbi llojin dhe karakteristikat teknike që duhet të plotësojnë sistemet apo pajisjet e Teknologjisë së informacionit, që prokurohen dhe përdoren në zgjedhje në Republikën e Shqipërisë.

PËR KËTO ARSYE

Komisioni Rregulator, bazuar në nenin 12, nenin 20, pika 1, germa "e" nenin 22, 23, nenin 179, pika 1, të ligjit Nr. 10019, datë 29.12.2008 "Kodi Zgjedhor i Republikës së Shqipërisë", i ndryshuar.

Nr. 02 i Vendimit Data 31.10.2020 e Vendimit Ora 11 : 00 e Vendimit

Për llojin dhe karakteristikat teknike që duhet të plotësojnë sistemet dhe pajisjet e identifikimit elektronik të zgjedhësve që prokurohen dhe përdoren në zgjedhje në Republikën e Shqipërisë



V E N D O S I:

1. Në zgjedhjet për Kuvendin të datës 25 Prill 2021 procesi i identifikimit të zgjedhësve në të gjithë qendrat e votimit (QV) në territorin e vendit do të kryhet me ndihmën e pajisjeve elektronike sipas përcaktiveve të këtij vendimi.
2. Për identifikimin e zgjedhësve do të implementohet Sistemi Elektronik i Identifikimit të Votuesve (SEIV) dhe do të përdoren Pajisje Elektronike të Identifikimit (PEI) të vendosura në çdo qendër votimi, të cilat do të sigurojnë identifikimin e saktë të zgjedhësve, bazuar në regjistrin elektronik të mbajtur në pajisje.
3. SEIV duhet të ofrojë të gjitha modulet e nevojshme "software" si dhe pajisjet "hardware" që do të mundësojnë menaxhimin e listës së zgjedhësve dhe të dhënat e votuesve, menaxhimin e pajisjeve elektronike te identifikimit si dhe të kryqëzimit të të dhënavë të identifikimit të të gjitha PEI mbas përfundimit të votimit, për të gjurmuar votimin e të njëjtë zgjedhës më shumë se një herë në të njëjtën qendër votimi, më shumë se një qendër votimi dhe/ose në emër te zgjedhësve te tjera.
4. Procesi i identifikimit elektronik duhet të përfshijë të njëjtat parime identifikimi sikurse kryhet në kushte manuale, dhe nuk duhet të ndryshojë thelbësisht apo të zgjasë a vështirësojë procesin e identifikimit të zgjedhësve.
5. Implementimi i SEIV duhet të sigurojë që:
 - a. Të dhënat e identifikimit të zgjedhësve të ruhen dhe përpunohen sipas standardeve më të larta të sigurisë në memorien e PEI dhe të zbatojnë kërkesat e legjislacionit në fuqi për ruajtjen dhe integritetin e të dhënavë personale dhe biometrike si dhe atyre të pjesëmarrjes në votim.
 - b. PEI duhet të jetë një pajisje plotësisht e integruar pa komponentë të jashtëm e cila mund të transportohet dhe të vendoset në punë lehtësisht.
 - c. Pajisja e çdo qendre votimi duhet të veprojë mënyrë autonome dhe pa u lidhur në rrjetet e komunikimeve elektronike.
 - d. Pajisja duhet të ketë bateri për të operuar përgjatë tërë procesit të votimit, e pavarur nga energjia elektrike.
 - e. PEI duhet të sigurojë integritetin e të dhënavë të regjistruara në të dhe të parandalojë aksesin në këto të dhëna, të personave të paautorizuar apo nga dëmtime të karakterit fizik a të çdo forme tjeter të parashikueshme. Aksesi ndaj çdo komponenti të brendshëm dhe/ose porte komunikimi duhet të jetë fizikisht i mbyllur dhe i siguruar me vula sigurie.

Nr. 02 i Vendimit Data 31.10.2020 e Vendimit Ora 11 : 00 e Vendimit

Për illojin dhe karakteristikat teknike që duhet të plotësojnë sistemet dhe pajisjet e identifikimit elektronik të zgjedhësve që prokurohen dhe përdoren në zgjedhje në Republikën e Shqipërisë




- f. Çdo PEI do të përbajë listën e zgjedhësve të të gjitha QV-ve, me të dhënat e identifikimit të çdo zgjedhësi sipas nenit 45 të Kodit Zgjedhor, si dhe foton e çdo zgjedhësi të depozituar gjatë pajisjes me dokumente identiteti biometrik.
- g. Të gjitha PEI duhet të garantojnë unicitetin e të dhënave dhe do të konfigurohen si pajisje të personalizuara të qendrave të votimit respektive, me anë të kodeve përkatëse vetëm në momentin e hapjes së procesit të votimit. Çdo PEI do të shfaqë vetëm listën dhe foton e zgjedhësve të asaj qendre votimi ku është konfiguruar.
- h. Të dhënat e identifikimit të kryer të çdo zgjedhësi do të përbëjnë regjistrin e votuesve (zgjedhësve që kanë votuar) do të përfshijnë çdo të dhënë sipas pikës “f” dhe do të ruhet në një hapësirë memorie të sigurt, të veçantë dhe të ndara nga të dhënat e tjera. Në momentin e identifikimit elektronik sipas ligjit, skedari i zgjedhësit të identifikuar pas nënshkrimit me gjurmën daktiloskopike të gishtit ruhet në memorien e votuesve..
- i. PEI duhet të sigurojë shfaqjen e qartë të fotos së zgjedhësit si dhe të dhënat e tjera të identifikimit.
- j. PEI i mundëson operatorit leximin e dokumentit të identitetit duke përdorur lexuesin “MRZ” (Zonën Lexuese të Makinës) për të kërkuar votuesin në bazën e të dhënave të pajisjes ku ruhen skedarët e zgjedhësve që nuk kanë votuar.
- k. PEI mundëson gjithashtu kërkimin e zgjedhësit manualisht në bazën e të dhënave, duke shkruar në pajisje numrin personal të identifikimit të zgjedhësit, emër, mbiemër dhe datëlindje. Në këtë rast, PEI duhet të regjistrojë rastin e identifikimit manual.
- l. PEI do të verifikojë nëse zgjedhësit i lejohet të votojë në atë QV dhe të shfaqë në pajisje të gjithë të dhënat e identifikimit si dhe foton e zgjedhësit.
- m. PEI do të evidentojë rastet kur zgjedhësi nuk mund të votojë në atë QV dhe kur tashmë ka votuar duke sinjalizuar.
- n. Për çdo zgjedhës të identifikuar, do të nënshkruhet me gjurmën daktiloskopike të gishtit dhe PEI do të ruajë në një memorie të sigurt gjurmën e gishtit të zgjedhësit si një provë e pjesëmarrjes në votim.
- o. PEI duhet të prodhojë një dokument fizik, i cili vërteton kryerjen e procesit të identifikimit. Ky dokument përmban të dhënat e zgjedhësit si dhe foton e tij.
- p. PEI duhet të identifikojë dhe regjistrojë çdo tentativë për votim të dyfishte dhe/ose në vend të zgjedhësve të tjerë.
- q. PEI duhet të mundësojë procedurë të veçantë për të regjistruar identifikimin e komisionereve që nuk e kanë emrin në atë QV, si edhe të mundësoje votimin e zgjedhësve (anëtarëve dhe

Nr. 02 i Vendimit Data 31.10.2020 e Vendimit Ora 11 : 00 e Vendimit

Për illojin dhe karakteristikat teknike që duhet të plotësojnë sistemet dbe pajisjet e identifikimit elektronik të zgjedhësve që prokuohen dhe përdoren në zgjedhje në Republikën e Shqipërisë



 : 



sekretarit te QV) sipas parashikimeve të nenit 106, pika 4 të Kodit Zgjedhor.

- r. Në momentin e fillimit të procesit, PEI do të prodhojë një procesverbal të hapjes, i cili do të firmoset nga komisioni dhe ku do të përfshihen të dhënata teknike të pajisjes si dhe numri i zgjedhësve në listë.
- s. Pas mbylljes së procesit të votimit, PEI do të prodhojë një dokument fizik, i cili përmban të dhënata dhe administrohet në përputhje me Kodin Zgjedhor dhe aktet normative të Komisionit Rregulator. Gjithashtu, PEI do të printojë listën e zgjedhësve që kanë votuar dhe numri i zgjedhësve që nuk kanë votuar. Të dy këto procesverbale do të janë pjesë e materialeve zgjedhore.
- t. SEIV duhet te operojë në pajisje dhe në rrjet të dedikuar (te mbyllur) në ambientet e KQZ-së.

Ky sistem duhet të ketë këto karakteristika:

- i. të jetë i paaksueshëm nga jashtë;
- ii. pas procesit të votimit të mundësojë qendërzimin (hedhjen) e të dhënavës në mënyrë të sigurt nga PEI;
- iii. të mundësojë kryqëzimin (kontrollin) e të dhënavës biometrike, përfshirë gjurmët e gishtave për të identifikuar votimin e të njëjtë zgjedhës më shumë se një herë në të njëjtën qendër votimi, në më shumë se një qendër votimi dhe/ose në emër te zgjedhësve të tjera.
6. Ofertuesi i implementimit të sistemit dhe furnizimit të pajisjeve duhet të jetë një kompani me përvojë të suksesshme ndërkombëtare, të gjëzojë emër të mirë të njojur botërisht si dhe duhet të ketë realizuar me sukses implementimin e proceseve të identifikimit dhe/ose votimit elektronik në vende me numër zgjedhësish jo më të ulët se Republika e Shqipërisë. Ofertuesi i implementimit të sistemit nuk duhet të jetë i varur nga asnjë qeveri e asnjë shteti tjetër, as në pronësi dhe as në strukturë.
7. Ofertuesi i implementimit të sistemit dhe furnizimit të pajisjeve duhet të garantojë implementimin në 100 % të qendrave të votimit në territorin e Republikës së Shqipërisë. Ofertuesi i implementimit të sistemit dhe furnizimit të pajisjeve duhet të garantojë mirëmbajtjen e sistemit dhe furnizimit të pajisjeve (përfshirë zëvendësimin e PEI brenda 2 orësh) në 100 % qendrave të votimit në territorin e Republikës së Shqipërisë. Ofertuesi i implementimit të sistemit dhe furnizimit të pajisjeve duhet të garantojë trajnimin e trajnuesve të KQZ-së, të ngarkuar për të kryer trajnimin e Komisionerëve të QV, si dhe personave përgjegjës për përdorimin e pajisjeve të identifikimit.
8. Me qëllim implementimin dhe përdorimin e sistemit elektronik të identifikimit të votuesve në zgjedhjet për kuvendin të datës 25 prill 2021, duke marrë në konsideratë kohën e shkurtër në dispozicion të KQZ, si dhe referuar parashikimit ligjor të nenit 179, pika 1 të Kodit Zgjedhor,



- Autoriteti Kontraktor mund të përdorë procedurën e prokurimit të parashikuar në nenin 33, pika 2, germa "c" të Ligjit "Për Prokurimin Publik".
9. Për zbatimin e këtij vendimi ngarkohen Komisioneri dhe Nënkomisioneri Shtetëror i Zgjedhjeve, te cilët i paraqesin kërkesën Këshillit të Ministrave për alokimin e fondeve në zbatim të nenit 179, pikës 2 të Kodit Zgjedhor.
 10. Kundër këtij vendimi mund të bëhet ankim në Kolegjin Zgjedhor të Gjykatës së Apelit Tiranë, brenda 5 ditëve nga shpallja e këtij vendimi.
 11. Ky vendim hyn në fuqi menjëherë.

Ilirjana Nano -

Kryetar

Arens Çela -

Anëtar

Dritan Çaka -

Anëtar

Helga Vukaj -

Anëtar

Muharrem Çakaj -

Anëtar

